

## **INFRASTRUTURIS Di Udin un projet internazionâl**

Un model di guvier sorenazionâl des infrastruturis di coridôr e un model di promoziun dai traffics par fâ compatibil il procès di liberalizazion cun sieltis zovevulis di politiche dai traspuarts. A son i doi obietifs di un projet di ricercje internazionâl inviât de Universitât dal Friûl cui ateneus di Berlin, Lubiane e Viene, e il Registro italiano navale (Rina). Il

projet, dai contignûts sperimentâi, al è coordinât dal grup di ricercje in Dirit internazionâl e de Union europeane dal Ateneu furlan. Il prin prodot dal projet al previôt un model di aministrazion di infrastruturis e sistemis che a interessin une pluralitât di Stâts par garanti il lôr disvilup ecuilibrât, sedi sot dal profil de realizazion sedi sot chel dal acès e de concorence. La ipotesis al studi e je une Agenzie internazionâl o europeane là che



i Stâts a contribuissin lassant part de lôr sovranitât e tignude sù dai struments dal dirit

internazionâl e/o de Union europeane. Il secont prodot de ricercje al è un model di promoziun dai traffics che al fasi compatibile la

liberalizazion previodude di variis organizacions regionâls o globâls cun politicis dai traspuarts che a favorissin il disvilup dai traffics di operadôrs integrâts in vertical intai setôrs de terminalistiche, de spediçion e de trazion.